



ZAPISNIK SA EVALUACIJE PROJEKTNIH PRIJEDLOGA PROJEKAT „JAČANJE ULOGE MJESNIH ZAJEDNICA U BIH“

Dana 21.11.2023. godine u prostorijama Saveza općina i gradova Federacije Bosne i Hercegovine održan je sastanak Komisije za izbor najuspješnijih jedinica lokalne samouprave koje su Savezu općina i gradova FBiH dostavile prijedloge projekata po osnovu Direktnog javnog poziva za podnošenje prijedloga projekata partnerskih jedinica lokalne samouprave u okviru Projekta „Jačanje uloge mjesnih zajednica u BiH.“

Na osnovu Odluke o imenovanju Komisije (br.562/23), sastanku su prisustvovali članovi Komisije: Selma Fišek, Savez općina i gradova FBiH, Mirela Čaušević, Savez općina i gradova FBiH, Mersad Beglerbegović, UNDP i Nermina Klokić, UNDP.

Konstatovano je da je Savez općina i gradova FBiH tokom trajanja javnog poziva zaprimio prijedloge projekata iz tri jedinice lokalne samouprave: Kalesija, Lukavac i Travnik.

Komisija je prvobitno razmatrala prijedloge projekata kroz ispunjenost eliminatornih kriterija.

Tom prilikom, a na osnovu dostavljene dokumentacije, utvrđeno je da prijedlog projekta Grada Lukavaca – „Kulturno sportski centar“ nije zadovoljio neke od eliminatornih kriterija, odnosno nisu praćene smjernice iz samog poziva za prijavu. Između ostalog to se odnosilo da se na poziv prijavila jedna mjesna zajednica a ne jedinica lokalne samouprave, da nije dostavljen dokaz da predloženi projekat predstavlja prioritet koji je legitimno usaglašen na forumu građana i građanki, nisu osigurani svi pravni, tehnički i administrativni preduslovi za realizaciju projekta, te da jedinica lokalne samouprave nije podržala projekat sufinansiranjem u predviđenom minimalnom iznosu. S obzirom da nisu ispunjeni navedeni eliminatorni kriteriji, Komisija nije vršila dalje bodovanje ovog prijedloga projekta.

Nakon što je na osnovu dostavljene dokumentacije iz Općine Kalesija, koja je dostavila prijedlog projekta – „Rekonstrukcija prostorija mjesne zajednice Kalesija Centar“, utvrđeno da su ispunjeni eliminatorni kriteriji, komisija je izvršila bodovanje po ostalim kriterijima.

Prijedlog projekta Općine Kalesija je dobio 73 boda.

Nakon što je na osnovu dostavljene dokumentacije iz Općine Travnik, koja je dostavila prijedlog projekta – Izgradnja igrališta „Bazen“ Turbe i pratećih sadržaja, utvrđeno da su ispunjeni eliminatorni kriteriji, komisija je izvršila bodovanje po ostalim kriterijima.

Prijedlog projekta Općine Travnik je dobio 93 boda.

U skladu sa naprijed navedenim, Komisija je konstatovala da su prijedlozi projekata iz Općine Travnik i Općine Kalesija zadovoljili uslove i kriterije iz Direktnog javnog poziva za podnošenje prijedloga projekata partnerskih jedinica lokalne samouprave u okviru Projekta „Jačanje uloge mjesnih zajednica u BiH, te da će iste od strane UNDP-a dobiti sredstva u iznosu od po 25.000,00 KM po jedinici lokalne samouprave za realizaciju predloženih projekata.

Dalji postupak vezano za zaključenje ugovora za realizaciju projekata i ostale potrebne aktivnosti će provoditi UNDP i nadležene službe Općine Travnik i Općine Kalesija.

ČLANOVI EVALUACIONE KOMISIJE:

1. SELMA FIŠEK

S. Fišek

DocuSigned by:

2. NERMINA KLOKIĆ

Nermina Klokic

DocuSigned by:

3. MERSAD BEGLERBEGOVIĆ

Mersad Beglerbegovic

1FC881315CB0456...

C4E98945F8174ED...

4. MIRELA ČAUŠEVIĆ

Mirela Čaušević

DATUM: 21.11.2023. godine

Broj: 583-1/23